

Saitualah 21st General Election to VILLAGE COUNCIL 2025 atan DRAFT ELECTORAL ROLL tlangzarhna leh VLO training neih a ni

Saitual, the 22nd November, 2024:

Vawiin chawhma dar 10:30AM khan Mizoram State Election Commission ruahman angin 21st General Election to Village Council , 2025 (qualifying date- 01.01.2025) Draft Electoral Rolls chu DC Conference Hall, Saitualah District Election Officer, District Bawrhsap ni bawkw Dr. Lalngura Tlau chuan a tlangzarh a, tlangzarhna inkhawm hi Pu Lalthakima, EO chuan a kaihruai a ni. Hemi rual hian Village Council Electoral Roll buaipui chungchang leh hearing neih chungchangah Saitual District huam chhunga Block Level pathum, Saitual, Ngopa leh Phullen-ah te training hi neih a ni bawkw.

He hunah hian Dr. Lalngura Tlau chuan kalkhawmte hnenah lawmthu sawiin, roll inthun leh paih chungchangah fimkhur turin a chah a, MLA inthlana roll a chuang si, VC roll a chuang silo te chuan vote an thlak theihloh tur thu chiang taka mipuite pawh hriattir turin a chah a. Ram mipuiten an dikna chanvo an hman theih nan leh an vote hlu takte an thlak theuh theih nan theihtawp chhuah zui tur leh training hlawkthlak tak nei theuh turin kalkhawmte a chah nghal bawkw a ni.

Saitual Block Level huam chhungah VLO 21 awmin DC Conference hall, Saitual-ah training hi neih a ni a, Pi Christina Lalnunfeli ,SDC chu resource person a ni. Ngopa Block huamchungah VLO 18 awmin BDO Conference Hall, Ngopaah training neih a ni a, resource person chu Pi Dorothy Muansangi ,SDO(C) Ngopa a ni. Phullen Block ah VLO 16 awmin BDO Office,Phullen ah Pu J Lalhmahruaia,BDO phullen hovin training hi neih a ni bawkw.

Vawiin a draft roll tlangzarhnaah hian DEO leh DC ni bawkw Dr. Lalngura Tlau bakah ERO, AERO,SP Office aiawh, VLO, Political party aiawhte, tlawmngai pawl aiawhte an tel a, BLO te training pek zui nghal an ni.



